

*Montaignes d' Auvergne* nominantur. Horum Montium pars hodie *Tarara*, teste Gulielmo Budæo lib. iv. de Asse, qui Lugdunum euntibus est superandus. In vertice sedes vilitur Petre incisa, cui Mercatores imponunt eos, qui Mercatum Lugdunensem nunquam frequentarunt. Vulgo *La Chere de la Verite* vocatur. Iurare namque coguntur veritatem, Lugduni fuerint unquam, nec ne, eoque nomine nonnihil, quo Genio simul indulgeant, polliceri, *Vogesus* Gallie Mons Cæsari lib. de bell. Gall. iv. Lucano lib. i. Plin. & aliis. *Vocetus* vel *Vocetius* corrupte dicitur apud Tacitum lib. i. Historia. & alibi, ut jam ab doctis viris notatum. Alpium nomine a Str. describitur lib. iv. Hodie *Mont de Fancilles*, aliisque nomenclaturis indigetatur. Separat Burgundiam Alsatiamque ab Lotharingia, Provomit Mosam, ut etiam testatur Cæsar, & infinitos alios fluvios, quorum plerique Rhenū petunt. Pars unde Mosella profluit *Kratzer* appellatur: quod habere se tradit Ortelius ex Libello MS. Magni Gruberi, in quo Rhenum describit: addens, Tractum hunc *Est aye* Gallice, & *Auff der Stay* nuncupari in Chorographica Lotharingie Tabula, iussu & impensis Ducis ab Ioanne Scyllio accurate delineata: nihilque ibi, eodem Scyllio teste, præter Asarum herbam provenire. Gignit *Vogesus* in valle Leberia Argenteum purum: sed, ut notat Munsterus, non ita multum. *Iura* Gallie dicam, Mons, an Germanie? Olim fere totus Gallie: quum Helvetia Belgicæ adenseretur: Hodie magna etiam parte Germanie. Initium ejus statui solet in finibus Basiliensium, juxta Rhenum, è regione VValdzhuri. Altus est, multisque & ingentibus subnixus taxis. Meminerunt ejus Cæsar, Plinius alii. Pt. *Jurassus* est: Strab. *Iurasius* & *Joras*. Ævo nostro Accolis, Incolisque pro ratione Locorum aliis atque aliis vocatur nominibus, Haud procul arce Hasburgensi prope Burgim (opidulum est sic dictum Idiomate Germanico a Ponte, qui hic super Arolā ex uno Arcu) *Botzberg* audit: a pago *Botzen*, qui cū multis aliis Pedi Mōtis adlocatus, Hanc Iuræ portionem *Vocetum* vel *Vocetium* esse Cornelii Taciti censent Munsterus, Scudus, Lazius, & alii. Ortelius tamen apud Tacitum *Vogesum*, de quo ante, legendum esse minime dubitat. Est eadem hæc Montis parte Vallis ingens cui nomen *Frickthal*, a pago cognomine. Occurrunt & aliæ hic ibi Valles, ut obiter hoc dicam, *Lauffen-thal*, & *S. Jmers-thal*, & similes: quarum tamen nulla Montem per transversum penetrat. Vbicunque volueris trajicere, opus est alta scanfione. Inter Ararim potro & Farspurgum hic Mons appellatur *Schaffmat*, quod Latinus *Ovinum* sonat *Pratum*. Inter Opidum *Oltien* & Humburgensem Præfecturam dicitur *Nider-Hauvvenstein*. *Inferior sectus Lapis*: Per saxa enim factum est iter. Inter Walnburgum & Balstallium *Ober-Hauvvenstein* vocatur, *Superior sectus Lapis*: ubi currus onusti grandibus funibus per Montis declivitatem demittuntur. Occasum versus procedendo *VVasser-fal* nuncupatur, id est *Aqua ruina*. Vltterius eundo *Jurten* ab Sabaudis pisco fere nomine appellatur. Brachium quod se extendit Basileam versus, uno ab urbe milliaro, juxta Byrsam fluvium *Blouvvien* dicitur: crescitque non parum in altitudine & asperitate quousque Delspergum veneris, ubi rursus in planiciem diducitur. Vltterius versus *Bellele* Monasterium Gallicum procedendo, rursus crescit, ac deinde iterum evanescit spatio unius milliarii: hinc iterum saxosum horrendum que Montis jugum ab Oriente in Occasum extenditur: quod pervium fecisse scribitur Iulius Cæsar perforato in portæ formati saxo.